

ZUNFT SCHWAMENDINGEN

K i n d e r d e l e g a t i o n e n
am Sechseläuten 1985

<u>Zunft:</u>	<u>Delegationsteilnehmer:</u>	<u>Begleitende Mutter</u>
Wollishofen	Lukas Meier Franziska Blaser Ruth Blaser	Frau H.U. Meier
Kämbel	Gaby Mannhart Cecil Rechsteiner Urs Rechsteiner	Frau H. Mannhart
Wiedikon	Mark Roth Fabiano Egloff Andreas Krebs	Frau H. Roth
Letzi	Nicole Rechsteiner Kuno Rechsteiner Chantal Rechsteiner	Frau Rechsteiner
Riesbach	René Stadler Perry Streit Miriam Jokl	Frau E. Stadler
St. Niklaus	Catherine Dütschler Claudia Dütschler Roland Krebs Pascal Grünig	Frau Ferrante

28.3.85 WAR/uk

ZUNFT SCHWAMENDINGEN

Kinderdelegation Sechseläuten 1985

Teilnehmer: Lukas Meier
Franziska Blaser
Ruth Blaser

Leitung: Frau H.U. Meier

Zunft Wollishofen: Zunftlokal Restaurant Belvoirpark
Seestrasse 125, 8002 Zürich

Hochgeachteti Herre Ehrezouftmeischer und Altzouftmeischer,
Hochgeachtete Herr Zouftmeischer, Sehr verehrti Herre Vor-
steher, Zoifter, Ehregescht und Gescht,

De Zouftmeischer, d'Vorsteher und Zöifter vo de Zouft Schwa-
medinge gratuliered Ihne, hochgeachtete Herr Zouftmeischer,
zu Ihrer ehrevolle Wahl und wöisched Ihne es schöns und un-
trüebts Sächsilüüte und en ebeso untrüebti Amtsziit als
Zouftmeischer.

D'Schwamedinger dänket no gern zugg an gmeinsame Bsuech im
letschte Herbscht in London und hoffed, dass die nette Kon-
takt, wo scho zu Ihrem Vorgänger bestande händ, au mit Ihne
in Zukunft wiiterpflägt werded. Mir hoffed, dass au Sie bald
wider emal Än Bsuech uf eusere Stube mached.

(Nachher dem Zunftmeister ein Päcklein mit "Schwamedingerli"
übergeben)

Bitte am Montag, den 15. April 1985, um ca. 11.30 Uhr im
Restaurant Du Pont die "Schwamedingerli" abholen.

28.3.84 WAR/uk

Kinderdelegation Sechseläuten 1985

Teilnehmer: Gaby Mannhart Leitung: Frau H. Mannhart
 Cecil Rechsteiner
 Urs Rechsteiner

Zunft zum Kämbel: Zunftlokal Haus zur "Haue"
 Limmatquai 52, 8001 Zürich

Hochgeachteti Herre Ehrezouftmeischer und Zouftmeischer,
Sehr verehrti Herre Vorsteher, Zöiffter, Ehregescht und
Gescht,

De Zouftmeischer, d'Vorsteher und Zöiffter vo de Zouft Schwa-
medinge gratuliered Ihne, hochgeachtete Herr Zouftmeischer,
zu Ihrer ehrevolle Wahl und wöisched Ihne allne es untrüebts
Sächsilüüte und en ebeso untrüebti Amtsziit als Zouft-
meischer.

D'Schwamedinger hoffed, dass die schöne Kontakt, wos mit
Ihrem Vorgänger gha händ, au mit Ihne wiitergönd und freued
sich, wänn au Sie bald emale bi eus uf de Stube werded
z'Bsuech si.

(Nachher dem Zunftmeister ein Päcklein mit "Schwamendingerli"
übergeben).

Bitte am Montag, den 15. April 1985, um ca. 11.30 Uhr im
Restaurant Du Pont die "Schwamendingerli" abholen.

28.3.84 WAR/uk

ZUNFT SCHWAMENDINGEN

Kinderdelegation Sechseläuten 1985

Teilnehmer: Mark Roth
Fabiano Egloff
Andreas Krebs

Leitung: Frau H. Roth

Zunft zu Wiedikon: Zunftlokal Gasthof "Zum Falken",
Zurlindenstrasse 85, 8003 Zürich

Hochgeachteti Herre Ehrezouftmeischter und Zouftmeischter,
Sehr verehrti Herre Vorsteher, Zöiffter, Ehregescht und
Gescht,

De Zouftmeischter, d'Vorsteher und Zöiffter vo de Zouft Schwa-
medinge gratuliered Ihne, hochgeachtete Herr Zouftmeischter,
zu Ihrer ehrevolle Wahl und wöisched Ihne es schöns und un-
trüebts Sächsilüüte und en ebeso untrüebti Amtsziit als
Zouftmeischter.

D'Schwamedinger hoffed, dass die schöne Kontakt, wo's mit
Ihrem Vorgänger gha händ, au mit Ihne wiitergönd und freued
sich, wänn au Sie bald emale bi eus uf de Stube werded
z'Bsuech si.

(Nachher dem Zunftmeister ein Päcklein mit "Schwamedingerli"
übergeben.)

Bitte am Montag, den 15. April 1985, ca. 11.30 Uhr im
Restaurant Du Pont die "Schwamedingerli" abholen.

28.3.84 WAR/uk

ZUNFT SCHWAMENDINGEN

Kinderdelegation Sechseläuten 1985

Teilnehmer: Nicole Rechsteiner Leitung: Frau E. Rechsteiner
Kuno Rechsteiner
Chantal Rechsteiner

Zunft zur Letzi: Zunftlokal Restaurant Zum Turm
Obere Zäune 19/Napfplatz, 8001 Zürich

Hochgeachteti Herre Ehrezouftmeischer und Zouftmeischer,
Sehr verehrti Herre Vorsteher, Zöiffter, Ehregescht und
Gescht,

De Zouftmeischer, d'Vorsteher und Zöiffter vo de Zouft Schwa-
medinge gratuliered Ihne allne zu dere wundervolle neue
Zouftstube und hoffed, dass es Ihne allne da für die kommende
Jahrzähnt und Jahrhundert guet wird gfalle und dass Sie da en
ändgültigi Bliibi gfunde händ. De Zouftmeischer vo de Zouft
Schwamedinge isch ganz bsunders stolz uf Ihres neu Zouft-
lokal, vor allem will er au hät dörfe dra mitschaffe.

D'Schwamedinger freued sich ganz bsunders, wänns im Summer
dänn dörfed Ihri Stube go aluege cho und die schön neu Um-
gäbig mit Ihne dörfed gnüsse.

(Nachher dem Zunftmeister ein Päcklein mit "Schwamedingerli"
übergeben)

Bitte am Montag, den 15. April 1985, um ca. 11.30 Uhr im
Restaurant Du Pont die "Schwamedingerli" abholen.

28.3.84 WAR/uk

ZUNFT SCHWAMENDINGEN

Kinderdelegation Sechseläuten 1985

Teilnehmer: René Stadler
Perry Streit
Miriam Jokl

Leitung: Frau E. Stadler

Zunft Riesbach: Zunftlokal Restaurant zum Grünen Glas
Untere Zäune 15

Hochgeachtete Herr Ehrezouftmeischter und Zouftmeischter,
Sehr verehrti Herre Vorsteher, Zöiffter, Ehregescht und
Gescht,

De Zouftmeischter, d'Vorsteher und Zöiffter vo de Zouft Schwa-
medinge wöisched Ihne allne es untrüebts Sächsilüüte und en
glungne Umritt ums Fүүr hüt zabig.

D'Schwamedinger möchtet Ihne nomal ganz herzlich danke für dä
schöni und gedigeni Summer-Bott wo's letscht Jahr händ dörfe
i dem schöne Lokal bi Ihne erläbe. D'Schwamedinger wärded no
lang dra dänke und hoffed, dass au Sie bald emal bi de
Schwamedinger i de eifache Stube wärded en Bsuech mache.

(Nachher dem Zunftmeister ein Päcklein mit "Schwamedingerli"
übergeben).

Bitte am Montag, den 15. April 1985, ca. 11.30 Uhr im
Restaurant Du Pont die "Schwamedingerli" abholen.

28.3.84 WAR/uk

ZUNFT SCHWAMENDINGEN

Kinderdelegation Sechseläuten 1985

Teilnehmer: Catherine Dütschler Leitung: Frau C. Ferrante
 Claudia Dütschler
 Roland Krebs
 Pascal Grünig

Zunft St. Niklaus: Zunftlokal Restaurant Sternen Oerlikon
 Schaffhauserstrasse 335/Franklinstr. 1

Hochgeachtete Herr Ehrezouftmeischter und Zouftmeischter,
 Sehr verehrti Herre Vorsteher, Zöiffter, Ehregescht und
 Gescht,

De Zouftmeischter, d'Vorsteher und Zöiffter vo de Zouft Schwa-
 medinge wöisched Ihne als eusere Nachbar- und Göttizouft es
 untrüebts Sächsilüüte. Mir Schwamedinger fiired das Jahr
 euses 10-jährig Jubiläum und mir sind Eu allne herzlich dank-
 bar für die gross Understützig wo mir wo Eu bi eusere Gründig
 Übercho händ. De Zouftmeischter, d'Vorsteher und d'Zöiffter vo
 Schwamedinge freuet sich drum risig ufs Jubiläumsfäscht am
 24. August. D'Schwamedinger laded drum Ihre Ehrezouft-
 meischter, Ihre Zouftmeischter und Ihri Herre Vorsteher mit
 Ihrne Gattinnen scho jetzt herzlich i zu dem Fäscht.

(Nur von Roland Krebs und Pascal Grünig zu sagen:)
 Und dänn möchtet mir, de Kobold und de Gischpel vo de Pfadi
 Dietlike, Dir hochgeachtete Herr Zouftmeischter, als eusem
 Gründigsmiglied vo der Pfadi Dietlike und als eusem liebe
 Gobi, no ganz psunderi Grüess usrichte.

(Nachher dem Zunftmeister ein Päcklein mit "Schwamedingerli"
 übergeben).

Bitte am Montag, den 15. April 1985, um ca. 11.30 Uhr im
 Restaurant Du Pont die "Schwamedingerli" abholen.

28.3.84 WAR/uk